

Broj: 101-9585/25 DŽS
Zenica, 21.08.2025. godine

Na osnovu člana 69., stav 2., tačke (d), člana 70., stav 1., 4., i 6. Zakona o javnim nabavkama („Službeni glasnik BiH“, broj 39/14, broj 59/22), na Preporuku Komisije za nabavku broj: 501-9583-1/25 DŽS od 21.08.2025 godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o poništenju postupka za nabavku dijelova za pumpe proizvođača KSB i Elektrokovina LOT 1 – dijelovi za pumpe proizvođača Elko - Elektrokovina

I

Poništava se postupak javne nabavke za nabavku dijelova za pumpe proizvođača Elko - Elektrokovina iz razloga što nijedna dostavljena ponuda nije prihvatljiva za ugovorni organ - član 69., stav 2., tačka (d), Zakona o javnim nabavkama („Službeni glasnik BiH“, broj 39/14, broj 59/22, broj 50/24).

II

Za izvršenje ove Odluke zadužuje se Komisija za nabavke.

III

Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

Obrazloženje

Odlukom broj: 101-8414/25 BS od 28.07.2025. godine pokrenut je postupak javne nabavke dijelova za pumpe proizvođača Elko - Elektrokovina putem otvorenog postupka sa zaključenjem okvirnog sporazuma na period od 20 mjeseci.

Procijenjena vrijednost javne nabavke bez uračunatog PDV-a je 20.500,00 KM.

Radi provođenja postupka nabavke imenovana je Komisija za nabavku (u daljem tekstu: Komisija) Odlukom broj: 101-8657/25 ME od 29.07.2025. godine.

Dana 29.07.2025.godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-364-3-165/25 objavljena je i tenderska dokumentacija.

U prilogu se dostavlja se Izvještaj o preuzimanju tenderske dokumentacije od strane ponuđača preuzet sa portala javnih nabavki dana 19.08.2025. godine.

Rok za dostavljanje ponuda je bio 19.08.2025. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su dvije ponude u zatvorenoj koverti, i to:

1. TEVE VARNOST ELEKTRONIKA d.o.o.
2. HIDROFLEKS d.o.o. Tuzla

Dana 19.08.2025. godine, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda.

Nakon ocjene ponuda Komisija je sačinila Zapisnik o ocjeni ponuda broj: 501-9583/25 DŽS od 21.08.2025 i provjerom sadržaja i validnosti dokumentacije, utvrdila sljedeće:

Ponuđač TEVE VARNOST ELEKTRONIKA d.o.o. nije dostavio kopiju ugovora između ponuđača i proizvođača o nabavci originalnih dijelova za pumpe, tačka m) – podaci o ponudi, str. 8 i 9 tenderske dokumentacije. Iz gore navedenog razloga ponuda ponuđača TEVE VARNOST ELEKTRONIKA d.o.o. je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Ponuđač HIDROFLEKS d.o.o. Tuzla je dostavio Aneks 3 – Izjava o ispunjenosti uslova iz člana 45. čiji je datum izdavanja stariji od 15 dana (str.6 tenderske dokumentacije). Iz gore navedenog razloga ponuda ponuđača TEVE VARNOST ELEKTRONIKA d.o.o. je nepravilna (član 2., tačka 1., stav 3. Zakona o javnim

nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Shodno prethodno navedenom, Komisija je dala Preporuku da se poništi postupak nabavke jer nije zaprimljena nijedna prihvatljiva ponuda, a na osnovu člana 69., stav 2., tačka (d) Zakona o javnim nabavkama („Službeni glasnik BiH“, broj 39/14, broj 59/22).

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 69., stav 2., tačka (d) Zakona o javnim nabavkama („Službeni glasnik BiH“, broj 39/14, broj 59/22, broj 50/24) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

 DIREKTOR:
Pasalic Emir, dipl.ing.grad.

DOSTAVLJENO:

- 1 x Ponuđaču
- 1 x Direktor preduzeća
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Službenik za javne nabavke
- 3 x Članovima Komisije
- 1 x Sekretar Komisije
- 1 x a/a